



Kamis, 09 Februari 2023

Ogen: Filipi 4:13



Megenggeng



Enggo nge megegeh kinitekenta? Banci jadi penungkunen e arus sisingetken rusur selaku bahan perenungenta. Sabap kita perlu terus mengevaluasi nta pe mengukur seh ja kin ngaruh perenungen paksa teneng, kebaktin-kebaktin ras persadanta ras Tuhan. Adi Rasul Paulus i bas pengujungi suratna man perpulungen Pilipi, maka i bas *kerina perkara ngasup ia mabasa erkiteken persadanna ras Kristus Yesus*. Alu kata si deban rasul Paulus ngatakenca arah kinitekenna ia enggo jadi megenggeng. I bas ayat si gendek e, Paulus nuriken *kerna kerina perkara* si nimaksudkenna eme labo hal-hal si kitik ngenca, tapi ikut pe kerna hal si mbelin. Arah ayat enda ikataken Paulus man perpulungen e maka kearun ate, kekurangan, kelimpahen pangan nta pe perduiten, bagepe ngusahaken perdamen gelah lit persadan bas perpulungen e, amin gia ia arus erkorban lanai jadi si mberat i bas ia. Kata *ngasup aku mabasa*, ngatakenca Paulus ergegeh ras ngasup ngalokenca seri malemna atena amin i bas kekurangan nta pe kelimpahen. Kengasupen i bas ia ngalaken erbage-bage perbeben subuk kitik nta galang enggo lit. Janah gegeh e labo rehna bage-bage saja arah dirina, tapi erkiteken persadanna ras Tuhan, em si mbesuri ia amin pe kulana melehe. Tuhan enggo desken lau ras roti kegeluhen si la erkeri-kerin si mereken gegeh man bana. Enda jadi penjemba man banta, kita arus jadi kalak megenggeng. Kalak si megegeh kinitekenna la cengeng. I bas rumah tangga banci jadi sangana kita i bas sada perbeben simbelin, tapi selaku moria si erkiniteken, arus maka tetap kita ncikep padanta. Amin gia membutuhkan perjuangan mpertahanken kiniersadan jabu, perjuangenta e la si sada, Tuhan temanta mpekena-kena jabu e. Emaka si perkataken rusur i tengah-tengah pergumulenta AKU MEGEGEH...AKU NGASUP I BAS TUHAN. Adi ngasup kita maba perbeben si kitik, manjar-anjar ngasup kita ngalaken si galang, adi nggo ngasup mabasa si galang, dungna kita jadi kalak megenggeng, kerina perkara ngasup kita mabasa erkiteken Tuhan Yesus, kuat ras dahsyat.